



# COMUNU DE TEULADA

## PROVÌNTZIA DE SU SUD SARDIGNA

### SETORI SERVÌTZIUS A SA PERSONA, CULTURALIS E TURISMU

Via Cagliari, 59 - 09019 Teulada (SU)

070/9270029 - 070/9272042 – 0709272023 - 070/9270049 [www.comune.teulada.ca.it](http://www.comune.teulada.ca.it)

e-mail [pubblicaistruzione@comune.teulada.ca.it](mailto:pubblicaistruzione@comune.teulada.ca.it)

#### UFÌTZIU SPORT

#### BANDU

**PO S'ASSEGNAZIONI DE CONTRIBUTUS ORDINÀRIUS A IS ASSÒTZIUS SPORTIVUS PO S'ATIVIDADI ORDINÀRIA E CONTINUATIVA E SA PROMOTZIONI DE SU SPORT SIGUNDU SA L.R. N° 17 DE SU 17 DE MAJU 1999 - ANNU 2022 – STASONI SPORTIVA 2021/2022**

#### **SU RESPONSÀBILI DE SU SETORI SERVÌTZIUS A SA PERSONA, CULTURALIS E TURISMU**

- Bista sa Deliberatzioni de C.C. n. 35 de su 18.11.2022 po mèdiu de sa cali est stètiu aprovau su Regulamentu po s'assegnazioni de contributus finantziàrius a is assòtzius sportivus;
- Bista sa Delibera de sa Giunta Comunali n. 62 de su 05/09/2019 chi tenit a ogetu "Istituzioni Albu Comunali associazionis sportivas chi traballant in su territòriu de su Comune de Teulada";
- Bista sa Determinazioni Dirigentziales n.410 de su 15.06.2022 chi tenit a ogetu "Aggiornamentu Albu Comunali de is Assòtzius Sportivu Annu 2022";

In esecuzioni se da determinazioni sua n.926 de su 28.11.2022

#### **FAIT SCIRI**

**CHI DE SU 28 DE DONNIASANTU 2022 FINTZAS A SU 12 DE MESI DEIDAS 2022 SI PODINT PRESENTAI IS DIMANDAS DE AMMISSIONI A SU BANDU PO S'ASSEGNAZIONI DE CONTRIBUTUS ORDINÀRIUS A IS ASSÒTZIUS SPORTIVUS PO S'ATIVIDADI ORDINÀRIA E CONTINUATIVA E SA PROMOTZIONI DE SU SPORT SIGUNDU SA L.R. N° 17 DE SU 17 MAJU 1999 - ANNU 2022 – STASONI SPORTIVA 2021/2022**

#### **Art. 1**

#### **DESTINATÀRIUS**

Su bandu est deretu a totus is Assòtzius Sportivus chi traballant in su Comune de Teulada a sustegnu de is assòtzius sportivus a caràteri diletantisticu e iscritas in s'Albu Comunali de is Assòtzius Sportivus e chi operant in àmbitu regionali e/o provinziali de assumancus un annu chi in s'annu sportivu 2021/2022 ant fatu atividadi sportiva.

#### **Art. 2**

#### **MODALIDADI DE CUNTESSIONI CONTRIBUTUS ORDINÀRIUS**

In s'assegnazioni de is contributus ordinàrius s'ant a valutai is rechisius afatantis:

- Nùmeru de is atletas minorennis residentis iscritus in s'annu sportivu 2021/2022;
- Nùmeru de is atletas iscritus residentis magiorennis in s'annu sportivu 2021/2022;
- Nùmeru de atividadis fatas e documentadas in manera efetiva.

Podint beneficiari de is contributus a sustegnu de is atividadis motòrias, sportivas, de spàssiu e de valèntzia sotziali is assòtzius sportivus a caràteri diletantìsticu **iscritas in manera regulari a s'Albu Comunali e operantis in àmbitu regionali e/o provinciali de assumancus un'annu.**

Po podi atzedi a su contributu comunali, is Assòtzius depint:

- Essi costituias cun sea sotziali in Teulada;
- Fai s'atividadi insoru in su territòriu de Teulada;
- Essi iscritas in s'Albu Regionali de s'Assessorau a su sport e/o afiliadas a su CONI o àterus entis o federatzionis de promotzioni sportiva;
- Praticai atividadi agonìstica regulari in totu s'annu po mèdiu de partecipazioni a campionaus o manifestatzionis ufizialis organizadas de is federatzioni e/o de is entis de promotzioni sportiva o de coordinamentu e struturas aderentis a custus entis o federatzionis etotu.

### **Art. 3**

#### **CRITÈRIUS DE PARTZIDURA CONTRIBUTUS**

S'assegnatzioni de is risorsas programmadas in Bilànciu s'at a partziri in sa manera afatanti e sigundu cantu est indicau in s'art.5 de su regulamentu comunali:

- A) una cuota ugualis a su 30% de sa disponibilitadi est assegnada in partis uguali a totus is assòtzius sportivus chi faint dimanda;
- B) Unu cuota uguali a 600 èurus est destinada a premiai is Assòtzius Sportivus chi in s'annu pretzedent ant otènniu unu passàgiu de categoria. Si in casu no nci siat nisciunu passàgiu de categoria, is resorsas de bilànciu ant a essi partziai intr'e is assòtzius singulu sceti in basi a is puntègius indicaus in sa litera C afatanti;
- C) Sa cuota chi abarrat de su budget po su passàgiu de categoria prevèdiu in su puntu b), at a essi partzia intru de totus is Assòtzius Sportivus, in basi a su puntègiu assegnau sigundu is critèrius afatantis:

#### **Critèrius de atribuzioni puntègiu:**

##### **c.1 Puntègiu edadi atletas**

- **puntus 3** po dònna atleta a is assòtzius sportivus chi tenint intru de is tesseraus insoru picocus fintzas a is 17 annus chi risiedint in Teulada;
- **puntus 3** po dònna atleta cun disabilitadi tesserau, fintzas si no est residenti;
- **puntus 2** po atletas tesseraus residentis magiorennis;

##### **c.2 Puntègiu presèntzia in su territòriu comunali**

**puntus 1** po dònna annu de presèntzia de 'assòtziu sportivu in su territòriu comunali fintzas a unu màssimu de 10 puntus.

##### **c.3 Punteggio attività di inclusione sociale a favore di persone fragili**

**punti 5** po dònna persona chi abitat s'assòtziu sportivu e interessada de unu percursu de inclusioni sotziali in càrrigu a is servìtzius sotzialis.

Su contributo at a essi determinau in percentuali a su puntègiu assegnau aplichendi sa fòrmula afatanti:

$$X = (100:P) * p$$

$$C = (C:100) * X$$

Aundi:

*P = totali de is puntus de totus is assòtzius sportivus sigundu sa litera c) de s'art. 3;*

*p = puntègiu totali sigundu sa litera c) de s'art. 3 otentu de dònna assòtziu sportivu;*

*X = percentuali de puntègiu assegnada a dònna sotziedadi sportiva singula;*

*C = cuota totali de su budget comunali chi abarrat a pustis de s'assegnatzioni de su contributu de su 30% de su budget etotu a totus is assòtziu e de su prèmiu de € 600,00 po su passàgiu de categoria sigundu s'art 3 puntus a) e b);*

*c = contributu assegnau a dònna assòtziu sportivu*

**Art.4**  
**CÀUSAS DE ESCLUSIONI**

Est càusa de esclusioni de su benefitziu:

- s'iscritzioni e/o aggiornamentu a s'Albu Comunali de is Assòtzius Sportivus 2022 e a s'Albu Regionali de is Sòtziedadis Sportivas de sa Sardigna ;
- is dimandas chentza o carentis de sa documentatzioni richèdida, arribadas a pustis de su tèrmini o non presentadas sigundu is formalidadis prevèdias no ant a essi ammìtias a contributu;
- l'utilizzo di modulistica diversa da quella adisposizione presso l'Ufficio Servizi alla Persona, Culturali e Turismo;
- is istàntzias aundi funt inditadas is spesas relativas a: rapresentàntzia e liberalidadi de calisiat genia (cumbidus, presentis, ecc);
- sa mancàntzia de su certificau donau de sa Federatzioni afiliada a su CONI o a àterus Enti o Federatzionis Natzionalis;
- l'attestazione di attività svolte e/o eventi organizzati in luoghi non pubblici.

Ant a essi finanziadas sceti atividadis po is calis s'at a provai in manera non ecuivocabili su faimentu reali e descritas in manera detagliada in sa relatzioni de acabu.

**Art.5**  
**DOCUMENTATZIONI RICHÈDIDA**

Sa documentatzioni de presentai po sa partecipatzioni a su bandu, pensa s'esclusioni, est s'afatantis:

- A) Datus identificativus su Rappresentanti Legali (nòmmini, sangunau, data e logu de nàscida, indirittu, còdixi fiscali).
- B) Datus identificativus de s'Associatzioni (denominatzioni, sea, còdixi fiscali, càdixi/is de afiliatzioni/is, coordinadas bancàrias inclùdiu IBAN).
- C) Bilànciu o rendicontu, espressau in tèrminis de càscia, riferiu a s'Annu Sportivu 2021/2022.
- D) Bilànciu preventivu riferiu a s'Annu Sportivu 2022/2023 (cabudanni/làmpadas).
- E) Elencatzioni autocertificada de is disciplinas sportivas organizzadas de s'Assòtziu cun riferimentu deretu a s'àmbitu aundi est praticada (enti o àteras organizatzioni).
- F) Nùmeru de is atletas residentis iscritus e tesseraus, stallaus po edadi, riferius a s'Annu Sportivu 2021/2022.
- G) Relatzioni a pitzus de is atividadis fatas de s'Assòtziu in s'annu sportivu chi pretzedet sa dimanda (A.s. 2020/2021), e intru de custas s'elencu de is campionaus o de is manifestatzionis a caràteri internatzionali, regionali, provintziali e locali chi at partecipau s'assòtziu in s'annu sportivu chi pretzedet sa dimanda.
- H) Certificau donau de sa Federatzioni affiliada a su CONI o a àterus Entis o Federatzionis natzionalis de promotzioni sportiva riferia a s'annu currenti.
- I) Quota de iscrizioni a sa federatzioni sportiva relativa a s'annu de presentatzioni de s'istàntzia, mancai siat versada in s'annu currenti.

**Mòdulu dimanda disponìbili**

In su situ de su Comunu de Teulada ([www.comune.teulada.ca.it](http://www.comune.teulada.ca.it)) alliongiu a custu Bandu, in is ufizius de su Setori de is Servìtzias a sa Persona, Culturalis e Turismu de su Comunu de Teulada posgtu in via Cagliari 59 – contatendi su nùmeru de telèfonu 070-9272042 internu 209 o internu 210.

**Art 6**  
**SCADÈNTZIA**

Is dimandas ant a depi essi presentadas (cumpletas de sa documentatzioni rechesta), a s'Ufitziu Protocollu de su Comunu, a mèdiu de servìtziu postali o a mèdiu de PEC a s'indirizu [protocollo@pec.comune.teulada.ca.it](mailto:protocollo@pec.comune.teulada.ca.it) o intregadas a manu in s'apòsitu ufìtziu protocollu de su Comunu non prus a trigadiu de sa dii 12 de mesi de idas 2022 a is oras 13,00 a pena de esclusioni.

**Art.7**  
**AMMISSIONI A IS CONTRIBUTUS, ISTRUTÒRIA, TÈRMINIS E RÈVOCA**

Sa dimanda de contributu est istruìa de su Responsàbili de s'unidadi organizzativa cumpetenti e in sa fasi istrutòria ant a essi valutaus is documentus arribaus e s'at a podi protzedi a sa rechesta de integrazzioni de documentus chi mancant in manera eventuali.

In prus in su rispetu de is printzìpius e normas de lei, fintzas in sa fasi afatanti de rendicontatzionis, podint essi circaus acramamentus e àtera documentatzioni chi si podit assungi a sa chi est indicada giai.

**Art. 8**  
**TRATAMENTU DE IS DATUS PERSONALI**

Totus is datus trasmitius de is candidaus cun sa dimanda de partecipazioni a su cuncursu ant a essi trataus sceti po is finalidadis de gestioni de custa protzedura e ant a essi oberaus, puru cun modalidadis automatizadas, po custu scopu in su rispetu de cantu est prevèdiu de s'art.13 de su Regulamentu UE 2016/679. Su cunfermentu de is datus est obligatòriu e su refudu de furniri is datus etotu cumporat s'impossibilitadi de incarrerai su protzedimentu. A custu bandu est allongiada sa nota informativa sigundu is art.s 13-14 de su GDPR 2016/679. Su richeridori at a depi decrarai in sa dimanda de partecipazioni a su bandu de ai pigau visioni de sa nota informativa arremonada in antis.

**Art.9**  
**PUBBLITZIDADI DE IS ATUS**

S'ufìtziu sport de su Comunu – Setori Servìtzius a sa Persona, Culturalis, e Turismu – at a porcedi a ponni a disponimentu sa modulistica aprontada e a donai pubblitizidadi adeguada a totus is fasis de su bandu, in is maneras chi ant a essi consideradas prus eficatzis, aici de assigurai sa màssima ispainadura de is informatzionis e sa trasparèntzias màssima in s'atuazioni de is protzeduras de s'atributzioni de is contributus finantziàrius a is assòtzius sportivus.

Teulada,28 de donniasantu 2022

**SU RESPONSABILITÀ DE SU SERVÌTZIU**  
**dot.a Valeria Todde**